



Broj: 01/1-50-3-1-25/16  
Sarajevo, 3.2.2016.

**PREDSTAVNIČKOM DOMU  
PARLAMENTARNE SKUPŠTINE BiH**

N osnovu člana 32. stav (2) Poslovnika Predstavničkog doma ("Službeni glasnik BiH", br. 79/14, 81/15 i 97/15), Ustavnopravna komisija Predstavničkog doma podnosi sljedeći

**IZVJEŠTAJ O RADU USTAVNOPRAVNE KOMISIJE  
PREDSTAVNIČKOG DOMA  
ZA PERIOD OD 1.1.2015. DO 31.12.2015. GODINE**

Ustavnopravna komisija Predstavničkog doma u izvještajnom periodu održala je 20 sjednica na kojima je razmatrala sve prijedloge zakona i druge akte u skladu sa svojom nadležnošću.

**POGLAVLJE I. UVODNI DIO**

Ustavnopravna komisija u okviru svojih nadležnosti propisanih članom 44. Poslovnika Predstavničkog doma: prati provođenje Ustava BiH; razmatra pitanja od značaja za ustavni poredak BiH i daje inicijative za amandmane na Ustav BiH; ispituje i dostavlja Domu mišljenja o prijedlozima amandmana na Ustav BiH; provodi javnu raspravu o prijedlozima amandmana na Ustav BiH ili prijedloge zakona, te obavještava Dom o rezultatima javne rasprave; razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom BiH, kao i u vezi s pravnom obradom te Domu podnosi izvještaj s mišljenjem i prijedlozima te pravno-tehničkim ispravkama očiglednih grešaka u tekstu; razmatra pitanja zakonodavne metodologije i druga pitanja bitna za usklađenost pravno-tehničke obrade akata koje Dom treba usvojiti; dostavlja mišljenja Ustavnom sudu BiH; učestvuje u pripremi programa rada iz oblasti zakonodavne aktivnosti Doma; utvrđuje, zajedno s odgovarajućim komisijama Doma naroda, prečišćeni tekst zakona i drugih propisa kada i ako ih za to ovlaste oba doma; razmatra prijedloge za oduzimanje imuniteta i u vezi s tim predlaže odgovarajuće odluke Domu.

Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu BiH, pečat BiH; državnu administraciju; provođenje međunarodnih i domaćih krivičnih zakona; te druga pitanja iz nadležnosti Doma koja nisu u nadležnosti drugih komisija.

**POGLAVLJE II. IZVJEŠTAJ O AKTIVNOSTIMA KOMISIJE**

U 2015. godini Ustavnopravna komisija Predstavničkog doma održala je 20 sjednica Komisije na kojima je razmatrano ukupno 95 tačaka dnevnog reda, kako slijedi:

Broj i datum održavanja sjednice Komisije	Broj tačaka dnevnog reda po sjednicama Komisije	Broj prisutnih članova po sjednicama Komisije	Broj članova koji nisu prisustvovali sjednicama Komisije
2. sjednica 12.1.2015.	4	9	0
3. sjednica 28.1.2015.	6	8	1
4. sjednica 10.2.2015.	5	7	2
5. sjednica 24.2.2015.	4	7	2

6. sjednica	9.3.2015.	4	7	2
7. sjednica	23.3.2015.	5	7	2
8. sjednica	9.4.2015.	1	5	4
9. sjednica	27.4.2015.	6	7	2
10. sjednica	12.5.2015.	3	8	1
11. sjednica	26.5.2015.	4	7	2
12. sjednica	8.6.2015.	5	6	3
13. sjednica	29.6.2015.	4	6	3
14. sjednica	14.7.2015.	1	8	1
15. sjednica	14.7.2015.	4	6	3
16. sjednica	25.8.2015.	6	7	2
17. sjednica	14.9.2015.	8	8	1
18. sjednica	5.10.2015.	5	6	3
19. sjednica	27.10.2015.	4	8	2
20. sjednica	23.11.2015.	6	8	1
21. sjednica	28.12.2015.	4	7	2
Ukupan broj sjednica: 20		Ukupan broj razmatranih tačaka: 89	Prosjek prisutnih: 7	Prosjek odsutnih: 2

Komisija je razmatrala ukupno 89 tačaka, od čega:

- 7 prijedloga zakona kao nadležna komisija (čl. 108. i 109.),
- 8 prijedloga zakona kao nenadležna komisija (član 108.),
- 3 poslaničke inicijative,
- 8 izvještaja o radu institucija BiH, drugih izvještaja i informacija i
- drugih prijedloga akata, informacija i predstavki.

#### **Odjeljak A. JAVNE RASPRAVE U ORGANIZACIJI USTAVNOPRAVNE KOMISIJE PREDSTAVNIČKOG DOMA**

Ustavnopravna komisija Predstavnikog doma je u 2015. godini organizirala jednu javnu raspravu i jednu stručnu raspravu o pitanju statusa Sutorine na osnovu zaključka Predstavničkog doma s 3. sjednice, održane 15.1.2015., a povodom Prijedloga rezolucije o Sutorini, predlagača poslanika Denisa Bećirovića, broj: 01-02-2-1440/14, od 24.12.2014.

#### **Odjeljak B. ZAKONODAVNA AKTIVNOST USTAVNOPRAVNE KOMISIJE PREDSTAVNIČKOG DOMA**

Ustavnopravna komisija je u 2015. godini razmatrala i dostavila mišljenja i izvještaje o sljedećim prijedlozima zakona:

##### **Prijedlozi zakona razmatrani u Ustavnopravnoj komisiji kao nadležnoj komisiji:**

1. Prijedlog zakona o obligacionim odnosima u civilnom zrakoplovstvu BiH, predlagač: Vijeće ministara BiH, broj: 01,02-02-1-33/14, od 24.7.2014. (razmatranje prijedloga zakona u amandmanskoj fazi - postupak u skladu s članom 119. Poslovnika Doma);
2. Prijedlog zakona o dopuni Izbornog zakona Bosne i Hercegovine, predlagač: poslanik Damir Arnaut, broj: 01-02-1-2/15, od 23.2.2015. (usaglašenost sa Ustavom BiH, pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma);

3. Prijedlog zakona o izmjenama i dopunama Zakona o sportu u Bosni i Hercegovini, predlagač: poslanik Denis Bećirović, broj: 01-02-1-3/15, od 26.2.2015. (usaglašenost sa Ustavom BiH, pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma);
4. Prijedlog zakona o dopunama Zakona o prekršajima, predlagač: Vijeće ministara BiH, broj: 01,02-02-1-9/15, od 2.7.2015. (usaglašenost sa Ustavom BiH, pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma);
5. Prijedlog zakona o izmjenama i dopunama Zakona o sportu u Bosni i Hercegovini, predlagač: poslanica Maja Gasal-Vražalica, broj: 01,02-02-1-11/15, od 30.7.2015. (usaglašenost sa Ustavom BiH, pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma);
6. Prijedlog zakona o izmjenama i dopunama Okvirnog zakona o osnovnom i srednjem obrazovanju u Bosni i Hercegovini, predlagač: poslanik Nikola Lovrinović, broj: 01-02-1-15/15, od 7.9.2015. (usaglašenost sa Ustavom BiH, pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma);
7. Prijedlog zakona o neradnim danima u vrijeme vjerskih praznika u Bosni i Hercegovini, predlagač: Vijeće ministara BiH, broj: 01-02-02-1 -21/15, od 21.10.2015. (usaglašenost sa Ustavom BiH, pravnim sistemom BiH i principi prijedloga zakona - postupak u skladu s čl. 108. i 109. Poslovnika Doma).

#### **Prijedlozi zakona razmatrani u Ustavnopravnoj komisiji kao nenadležnoj komisiji:**

1. Prijedlog zakona o izmjenama Zakona o plaćama i naknadama u institucijama BiH, predlagači: poslanici iz Kluba SBB-a, broj: 01,02-02-1-1/15, od 8.1.2015. (usaglašenost prijedloga zakona sa Ustavom BiH i pravnim sistemom BiH - postupak u skladu s članom 108. Poslovnika Doma);
2. Prijedlog zakona o izmjenama i dopunama Zakona o policijskim službenicima BiH, predlagač: Vijeće ministara BiH, broj: 01,02-02-1-38/14, od 3.11.2014. (usaglašenost prijedloga zakona sa Ustavom BiH i pravnim sistemom BiH - postupak u skladu s članom 108. Poslovnika Doma);
3. Prijedlog zakona o Budžetu institucija BiH i međunarodnih obaveza BiH za 2015. godinu, predlagač: Predsjedništvo BiH, broj: 01-02-2-1-6/15, od 5.5.2015. (usaglašenost sa Ustavom BiH i pravnim sistemom BiH - postupak u skladu s članom 108. Poslovnika Doma);
4. Prijedlog zakona o dopunama Zakona o plaćama i naknadama u institucijama Bosne i Hercegovine, predlagač: poslanik Damir Arnaut, broj: 01-02-1-8/15, od 29.5.2015. (usaglašenost sa Ustavom BiH i pravnim sistemom BiH - postupak u skladu s članom 108. Poslovnika Doma);
5. Prijedlog zakona o azilu, predlagač: Vijeće ministara BiH, broj: 01,02-02-1-12/15, od 6.8.2015. (usaglašenost sa Ustavom BiH i pravnim sistemom BiH - postupak u skladu s članom 108. Poslovnika Doma);
6. Prijedlog zakona o strancima, predlagač: Vijeće ministara BiH, broj: 01,02-02-1-17/15, od 11.9.2015. (usaglašenost sa Ustavom BiH i pravnim sistemom BiH - postupak u skladu s članom 108. Poslovnika Doma);
7. Prijedlog zakona o izmjeni Zakona o policijskim službenicima Bosne i Hercegovine, predlagači: poslanici iz Kluba SDS-a, broj: 02-02-1-10/15, od 28.7.2015. (usaglašenost sa Ustavom BiH i pravnim sistemom BiH - postupak u skladu s članom 108. Poslovnika Doma);
8. Prijedlog zakona o Budžetu institucija BiH i međunarodnih obaveza BiH za 2016. godinu, predlagač: Predsjedništvo BiH, broj: 01-02-02-1 -29/15, od 18.12.2015. (usaglašenost sa Ustavom

BiH i pravnim sistemom BiH prijedloga zakona - postupak u skladu s članom 108. Poslovnika Doma).

### **Odjeljak C. OSTALE AKTIVNOSTI USTAVNOPRAVNE KOMISIJE PREDSTAVNIČKOG DOMA**

Ustavnopravna komisija Predstavničkog doma pripremila je Prijedlog za usaglašavanje poslovnika oba doma u pogledu autentičnog tumačenja i imuniteta članova PSBiH, a u vezi s Obavještenjem Zajedničkog kolegija oba doma Parlamentarne skupštine BiH s 3. sjednice, održane 12.3.2015.

U 2015. godini nastavljena je saradnja Komisije i Ureda sekretara Ustavnopravne komisije Predstavničkog doma s Misijom OSCE-a u BiH, Njemačkom fondacijom za međunarodnu saradnju i Uredom rezidentnog koordinatora UN-a u Bosni i Hercegovini.

Ured sekretara Ustavnopravne komisije Predstavničkog doma i Komisija nastavljaju saradnju s navedenim organizacijama.

**PRVA ZAMJENICA  
PREDSJEDAVAJUĆEG KOMISIJE**

**Aleksandra Pandurević, s.r.**